


Supervizor Gregorian pozdravio usvajanje Zakona o obrazovanju od strane Skupštine Distrikta Brčko



Supervizor za Brčko Raffi Gregorian pozdravio je sinoćnje usvajanje novog Zakona o osnovnom i srednjem obrazovanju od strane Skupštine Distrikta Brčko.

“Distrikt se treba ponositi što je prvi u BiH koji ima zakon o obrazovanju koji ispunjava zahtjeve Programa evropskog partnerstva u jačanju kapaciteta u obrazovanju,” izjavio je supervizor Gregorian. “Ovaj novi zakon unapređuje ono što je već bio najbolji obrazovni sistem u BiH.”

Supervizor Gregorian navodi da proces izrade i donošenja Zakona nije protekao bez poteškoća. Kroz dijalog, interes djece je stavljen iznad stranačkih interesa. Usvajanjem Zakona, Skupština Distrikta je pokazala političku zrelost za donošenje odluka koje će doprinijeti dobrobiti Distrikta u cjelini i svim njegovim građanima.

“Ovim zakonom, Distrikt Brčko nastavlja postavljati primjere za BiH ispunjavajući svoje obaveze na promovisanju evropske perspektive BiH. Pozivamo BiH i entitete da iskoriste primjere iz Distrikta Brčko,” izjavio je on.